

## OFFERYNNAU STATUDOL CYMRU

**2011 Rhif 2378 (Cy.251)**

## **ANIFEILIAID, CYMRU**

### **Rheoliadau'r Cynllun Iechyd Dofednod (Ffioedd) (Cymru) 2011**

|                                   |         |                       |
|-----------------------------------|---------|-----------------------|
| <i>Gwnaed</i>                     | - - - - | <i>28 Medi 2011</i>   |
| <i>Gosodwyd gerbron Cynulliad</i> |         |                       |
| <i>Cenedlaethol Cymru</i>         | - -     | <i>28 Medi 2011</i>   |
| <i>Yn dod i rym</i>               | - -     | <i>19 Hydref 2011</i> |

Mae Gweinidogion Cymru, gyda chydysyniad y Trysorlys, yn gwneud y Rheoliadau hyn drwy arfer y pwerau a roddwyd gan adran 56(1) o Ddeddf Cyllid 1973(1) ac a freinir bellach ynddynt hwy.

#### **Enwi, cymhwyso a chychwyn**

1. Enw'r Rheoliadau hyn yw Rheoliadau'r Cynllun Iechyd Dofednod (Ffioedd) (Cymru) 2011. Maent yn gymwys o ran Cymru a deuant i rym ar 19 Hydref 2011.

#### **Ffioedd mewn perthynas â'r cynllun iechyd dofednod**

2.—(1) Y ffi am gymeradwyaeth at ddibenion y cynllun iechyd dofednod a sefydlwyd o dan baragraff 4 o Atodlen 2 i Rheoliadau'r Fasnach mewn Anifeiliaid a Chynhyrchion Perthynol (Cymru) 2011(2) yw £60 am gymeradwyaeth ddechreuol, ynghyd â ffi flynyddol o—

- (a) £62 ar gyfer haid neu ddeorfa; neu
- (b) £70 ar gyfer cyfuniad o haid a deorfa ar un safle.

(2) Os cyflawnir yr arolygiad blynyddol o dan y paragraff hwnnw gan swyddog Gweinidogion Cymru, y ffi am bob arolygiad (yn ychwanegol at y ffi flynyddol) yw—

- (a) £97 ar gyfer haid neu ddeorfa; neu
- (b) £143 ar gyfer cyfuniad o haid a deorfa ar un safle.

(3) Y ffi am gymeradwyo, o dan y paragraff hwnnw, labordy sy'n cynnal profion diagnostig ar gyfer aelodau o'r cynllun iechyd dofednod yw—

- (a) £13 am brosesu cais am gymeradwyaeth; a
- (b) £31 am brosesu dogfennaeth gofrestru flynyddol.

(1) 1973 p.51. Caiff Gweinidogion Cymru arfer y pŵer hwn yn rhinwedd adran 59(5) o Ddeddf Llywodraeth Cymru 2006 (p.32).  
(2) O.S. 2011/2379 (Cy.252).